

漢書注校補
一



漢書注校補

一

周壽昌撰

中華書局

2558

漢書注校補

二

周壽昌撰

中華書局

2558

漢書注校補
三

周壽昌撰

中華書局

2558

漢書注校補

四

周壽昌撰

中華書局

2558

漢書注校補五

周壽昌撰

中華書局

2558~

漢書注校補 六

周壽昌撰

中華書局

2558

漢書注校補

七

周壽昌撰

中華書局

2558

漢書注校補

八

周壽昌撰

中華書局

2558

漢書注校補九

周營撰

中華書局

2558

漢書注校補一〇

周壽昌撰

中華書局

叢書集成初編

漢書注校補 一〇册

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

自序

壽昌幼受書。略解義訓。治經外好讀史。先叔父硯鄉先生。授以通鑑。併儲氏所選史漢文。俾之讀。意不足。覬讀全史。未敢以請。一日窺先君案頭有三國志。竊取讀之。日畢一帙。爲先君覺。指數事。令占對。頗如指。先君喜。諭獎以一書。問何欲。以漢書對。先君故有漢書一冊。日自評校。細字雙行。朱墨幾徧。閱後輒棄諸篋。禁兒輩繙弄。至是別以毛刻兩漢書賜壽昌。此道光丁亥春。壽昌得讀漢書之始也。從伯父念疇先生。熟精史記。過先君飲。叔父旁坐侍。飲次。論河事。伯父倍誦河渠書。及溝洫志。上溯禹貢。旁及水經注等書。竝及後世河道分合徙廢之故。如瀉瓶水。數掌文。纒纒數千百言。無脫誤。壽昌職執壺注酒之役。雖不深解。立聽忘倦。叔父問自來論馬班優劣。伯父曰。馬之峻潔。班何可竝論。先君曰。班於馬。固和太羹而臻大圭矣。然雅贍宏括。獨有千古。何渠不若。伯父曰。馬爲李陵作小傳。意已盡。班稍覺煩矣。先君曰。馬緣陵得罪。時陵未死。或有不忍盡言處。故僅附廣傳後。無專傳。班則極力摹畫其苦戰。至萬不得已而始降。爲陵雪。卽爲遷吐不平也。伯父曰。司徒掾譏史記未能齊一。而蘭臺之書。亦時有舛互。何也。先君曰。此無足詫也。蘭臺以抗古絕輩之才。使作氣馳肆。卽上溯無紀。遠極無竟。凌虛造有。曾何所於蓍芥。顧束之以數百年之事。蓋之以數十名家之筆。如太史公及其父司徒掾所作。外如向歆父子。馮商。及史通所述十數家。自不能無異同繁約。蘭臺詳輯而審擇之。殫二十餘年心力。以一手編成。譬之王礱雜糅。而剪以片石。鏤

KNT 145/01

鐵竝鍛而治以一鑪。匪夫潛精積思。詎易融粹。況天文志成於馬續。八表成於其女弟昭。加之寫官手民。代有譌脫。舛互之失。奚怪其然。全在好學深思。心知其意者。爲之補漏訂譌。以彌其闕。於闕臺何誅焉。叔父曰。師古注何如。先君曰。是所謂班氏忠臣也。徵論擗采古贖。卽一字悉源經典。靡虛詰慰訓。文顯事覈。俾游於班史者。得徑路。洵絕作也。叔父曰。聞近有某君著漢史注疏。斥師古庸謬疏妄者何如。先君曰。注家誠不無闕失。後學從而勘正。亦讀書應盡事。必尋罅逞辨。詆前耀己。益之毒冒。胡爲乎。伯父笑曰。是荀卿氏所謂陋儒也。雖博胡取。況未必博乎。誠不願子弟輩效之。先君曰。壽昌曰。小子識之。壽昌曰。敬諾。是日談讌甚歡。良夜始罷。壽昌有生來趨庭受訓。蓋莫樂於此一日者也。越歲。壽昌得咯血疾。幾殆。先君手自醫治。令輟學。歲餘甫就愈。辛卯。先叔父遂攜出游。泛湘水。出洞庭。杭大江。櫂荆渚。穿巫峽。欲藉山川以暢其迂結。盪其宿痼。途中仍禁劬學。得詩詞數十首。春秋策論三十餘篇以歸。壬辰。從叔父讀書嶽麓。應鄉試。時先君往仕浙中。清約自厲。子身之任。半載卒官。孤兒號泣奔赴。扶柩歸里。發遺篋。則殘紙破書滿中。而遺墨渺然。竝先君手評勘之。兩漢書皆無有。慟絕而無如何。壽昌遂發憤將早歲所賜兩漢書。日夜研習。凡四年。於書眉行間。塗染無隙。叔父見而喜之。取置行篋。邇年自江右歸。云熊氏畱錄副本。別以一冊賜。仍校勘如前。復爲王牧莊世兄取去。壽昌亦不甚惜。復手校一冊。旋借失。又一冊用五色筆校。未卒業。亦佚去。同治二年。寓武昌。購得此冊。時取評校。蓋結好在此。聊用追日。抵京後。待漏應官之暇。無輟業。及門王生先謙。恐又廢棄。亟請成書。予笑無以應。王生乃毅然自任。手錄成十四冊。感其意。暇輒綴筆。時

有增損。已請爲廢業者一年。病減復爲之。手不離案。脅不貼席。寒暑寢饋於其中。每寫一冊。改竄無餘紙。再寫復然。至是易藁者十有七矣。嗟乎。少年識惜氣盛。鑒古無赧。遇一新解。遽矜創獲。則貿然喜。既思祐薄蔭傾。趨訓難再。先業失緒。手澤罔存。時捧書而泣。則愴然悲。今老矣。視少所矜。百不存一。削牘既屢。積墨徒漬。猶幸徧閱典冊。藉助直諒。一編少就。千世待質。而卒無以繼先人之墜聞。啟後來之新悟。則慙然懼。慙然懼。終吾生而靡能自釋也。

光緒八年歲次壬午仲秋月望日。長沙周壽昌自序。

漢書注校補卷一

長沙周壽昌撰

高帝紀第一上

沛豐邑中陽里人也。

藝文類聚引述征記曰豐圻豐水西九十里有漢高祖宅。

則見交龍于上。

壽昌案交史記作蛟荀悅紀同賈山傳交龍驢首奮翼文選作蛟龍蛟交古今字也。

高祖爲人隆準而龍顏。

壽昌案史記高帝紀同又史記秦始皇本紀尉繚曰秦王爲人蜂準長目顴鳥膺本書陳平傳平爲人

長大美色王莽傳莽爲人侈口蹙頰露眼赤精蓋人猶狀也爲人卽爲狀也他如周仁傳仁爲人陰重

笑多聞霍光傳光爲人沈靜詳審皆主性情行止說與此全別

爲泗上亭長。

北堂書鈔引風俗通曰亭吏舊名負弩今改爲亭長或謂亭父漢舊儀云亭長皆調五兵言弩戟弓劍

鎧也。

廷中吏無所不狎侮。

顏注曰：廷中，郡府廷之中。廷音定。壽昌案：風俗通云：廷，正也。言縣廷郡廷朝廷，皆取平正均直也。廣韻引此有廷平也三字。古廷庭字上下通用，如洪範五行傳：於中庭祀四方。注：中庭，明堂之庭。或曰：朝廷之庭也。則廷亦可作庭。又釋名：釋宮室篇云：廷，停也。人所停集之處也。皆讀如本音，不必音定。

常從王嫚、武負、貫酒。

顏注曰：亦猶鮑陽音紂、蓮勺音酌，當時所呼，別有意義。壽昌案：勺酌音同，無須徵引。當是云蓮勺音釐，誤書酌音耳。

縱觀秦皇帝。

顏注曰：縱，放也。天子出行，放人令觀。觀，音工喚反。壽昌案：顏注縱放也，言高祖放觀無忌也。解已明。下忽云放人令觀，是誰放之，誰令之也。爲此贅文，轉失語氣。觀讀如本音，亦不得作去聲也。鼎鴻禩曰：史記作縱觀，觀秦皇帝，多一觀字，於義爲長。益知顏注放人令觀之迂也。

喟然大息曰：

顏注：大息，言其歎息之大。壽昌案：大息之大，音泰。呂覽高誘注：大，長也。言長歎息也。說文：息，喘也。論語皇侃疏：息亦氣也。歎息者有氣無聲。安所云大。顏注滯。

有一老父過請飲，呂后因餽之。